



MUZAKARAH ANJURAN CBP PERKASA NARATIF DAN KREDIBILITI SISTEM KEWANGAN ISLAM

1. Dalam misi untuk memperkukuh ekosistem dan memartabatkan kewangan Islam, Co-opbank Pertama (CBP) menganjurkan Muzakarah Muamalat Kewangan Islam (MMKI) 2026 kali kedua yang bertemakan 'Antara Realiti dan Persepsi: Memperkasa Naratif Perbankan Islam, Reputasi dan Kredibiliti Sistem Kewangan Islam'.
2. Majlis tersebut telah dirasmikan oleh YB Senator Dr. Zulkifli Bin Hasan, Menteri di Jabatan Perdana Menteri (Hal Ehwal Agama) di Hotel Royale Chulan, Kuala Lumpur, hari ini.
3. MMKI 2026 mengumpulkan ilmunan-ilmuan Islam dan pakar kewangan Islam yang bertujuan membincangkan cabaran persepsi, keperluan memperkukuhkan keyakinan masyarakat serta peranan ilmu dan dialog dalam memperkasa sistem kewangan Islam.
4. Pengerusi CBP, Datuk Baharom Embi berkata penganjuran MMKI 2026 mencerminkan komitmen CBP dalam memperkukuh naratif kewangan Islam serta meningkatkan keyakinan masyarakat terhadap sistem kewangan Islam.
5. "Atas kesedaran inilah, di penganjuran kali kedua MMKI 2026, CBP telah memilih tema 'Antara Realiti dan Persepsi: Memperkasa Naratif Perbankan Islam, Reputasi dan Kredibiliti Sistem Kewangan Islam',"katanya menerusi satu kenyataan hari ini.
6. Tambahnya lagi, CBP mengambil inisiatif mengumpulkan para ilmunan menerusi MMKI supaya dapat mewujudkan garis pemisah yang jelas antara makhraj dan hilah yang buruk atau muslihat yang tidak dibenarkan.
7. "Atas dasar itu juga, para ilmunan pada hari ini berbahas tentang pendirian hukum syarak tentang sistem matawang untuk kita menyusun semula kepercayaan masyarakat terhadap sistem kewangan moden dan masa depan,"katanya.
8. Penganjuran kali kedua MMKI ini turut mencerminkan komitmen berterusan CBP dalam memperkukuh ekosistem dan memartabatkan kewangan Islam di Malaysia.

-TERIMA KASIH-

Mengenai Co-opbank Pertama

Co-opbank Pertama (CBP) telah ditubuhkan pada 7 Jun 1950. Pada September 2014, CBP telah diiktiraf oleh Suruhanjaya Koperasi Malaysia dan Bank Negara Malaysia sebagai sebuah bank. CBP mempunyai 35 buah cawangan termasuk outlet di seluruh negara termasuk Sabah dan Sarawak. CBP menawarkan pelbagai produk Pembiayaan Individu, Koperasi serta Korporat, Ar-Rahnu, Deposit, Syer Keanggotaan serta Takaful dan Wasiat. Untuk maklumat lanjut, sila layari www.cbp.com.my

Untuk maklumat lanjut, sila hubungi
Jabatan Pengurusan Strategik Co-opbank Pertama
ukk@cbp.com.my